

ՈՉ ՊԱՇՏՈՆԱԿԱՆ ԹԱՐԳՄԱՆՈՒԹՅՈՒՆ

Ներքին շուկայում (ապրանքային նշաններ և արդյունաբերական նմուշներ) համապատասխանեցման գրասենյակին վճարման ենթակա տուրքերի մասին թիվ 2869/95 կանոնակարգը (ԵՀ) որոշ տուրքերի փոփոխման մասով փոփոխող Հանձնաժողովի 2005 թվականի հոկտեմբերի 14-ի թիվ 1687/2005 կանոնակարգ (ԵՀ)

(Եվրոպական տնտեսական տարածքին առնչվող տեքստ)

ԵՎՐՈՊԱԿԱՆ ՀԱՄԱՅՆՔՆԵՐԻ ՀԱՆՁՆԱԺՈՂՈՎԸ,

հաշվի առնելով «Եվրոպական համայնքի հիմնադրման մասին» պայմանագիրը,

հաշվի առնելով Խորհրդի «Համայնքի ապրանքային նշանի մասին» 1993 թվականի դեկտեմբերի 20-ի թիվ 40/94 կանոնակարգը (ԵՀ)¹ և, մասնավորապես, դրա հոդված 139«3»-ը,

Քանի որ.

1) թիվ 40/94 կանոնակարգի (ԵՀ) հոդված 139«2»-ը սահմանում է, որ Ներքին շուկայում (ապրանքային նշաններ և արդյունաբերական նմուշներ) համապատասխանեցման գրասենյակին (այսուհետ՝ Գրասենյակ) վճարման ենթակա տուրքերի չափը պետք է սահմանվի այնպիսի մակարդակով, որը Գրասենյակի բյուջեի հավասարակշռությունն ապահովվելու համար սկզբունքորեն բավարար եկամուտ կերաշխավորի,

2) Գրասենյակի եկամտի զգալի աճ է ակնկալվում միջին ժամկետում, մասնավորապես, Համայնքի ապրանքային նշանի գրանցման գործողության ժամկետի երկարաձգման համար տուրքերի վճարման արդյունքում,

3) Եվրոպական համայնքի միանալը Խորհրդի թիվ 2003/793/ԵՀ որոշմամբ² հաստատված՝ նշանների միջազգային գրանցման մասին Մադրիդի համաձայնագրի (այսուհետ՝ Մադրիդի համաձայնագիր) վերաբերյալ արձանագրությանը, ինչպես նաև Էլեկտրոնային եղանակով գրանցման ընթացակարգի կիրառումը պետք է պարզեցնեն նշված ընթացակարգը և կրճատեն դրա ծախսերը: Գրասենյակի կառավարման արդյունավետությունը նույնպես պետք է կրճատի ծախսերը,

4) հետևաբար, տուրքերի կրճատումը պատշաճ միջոց կլինեն բյուջեի պահանջվող հավասարակշռությունն ապահովելու համար՝ միաժամանակ խթանելով օգտագործողների մուտքը համակարգ: Այդուհանդերձ, հարկ է նշել, որ աննշան ավելցուկը միշտ էլ արդարացված է, քանի որ այն հնարավորություն է տալիս

¹ ՊՏ, L 11, 14.01.1994թ., էջ 1: Թիվ 4221/2004 կանոնակարգով (ԵՀ) վերջին անգամ փոփոխված կանոնակարգ (ՊՏ, L 70, 9.03.2004թ., էջ 1):

² ՊՏ, L 296, 14.11.2003թ., էջ 20:

կարգավորելու այս կամ այն չափով անկանխատեսելի իրավիճակները, որ ստեղծվում են, և խուսափելու անցանկալի պակասորդից,

5) հետևաբար, արդարացված կլինել փոփոխել տուրքերը մոտավորապես տարեկան 35–40 միլիոն եվրո ընդհանուր գումարով: Այդ գումարը պետք է բաժանվի մի կողմից հայտի ներկայացման և գրանցման համար տուրքերի, իսկ մյուս կողմից՝ գրանցման գործողության ժամկետը երկարաձգելու համար տուրքի միջև: Ավելին, էլեկտրոնային եղանակով ներկայացված հայտերի դեպքում պետք է նախատեսել ավելի ցածր տուրք,

6) հիմնական ցուցանիշների տատանումները պետք է կանոնավոր կերպով վերահսկվեն՝ ապահովելու եկամտի և ծախսերի միջև հավասարակշռությունը,

7) հետևաբար, պետք է համապատասխան փոփոխություններ կատարվեն Հանձնաժողովի թիվ 2869/95 կանոնակարգում³ (3),

8) սույն Կանոնակարգով նախատեսված միջոցները համապատասխանում են Տուրքերի հարցերով հանձնաժողովի եզրակացությանը, Կիրարկող կանոններին և Ներքին շուկայում (ապրանքային նշաններ և արդյունաբերական նմուշներ) համապատասխանեցման գրասենյակի բողոքարկման խորհուրդների ընթացակարգին,

ԸՆԴՈՒՆԵՑ ՍՈՒՅՆ ԿԱՆՈՆԱԿԱՐԳԸ.

Հոդված 1

Սույնով թիվ 2869/95 կանոնակարգում (ԵՀ) կատարվում են հետևյալ փոփոխությունները՝

1. 2–րդ հոդվածի աղյուսակում կատարել հետևյալ փոփոխությունները.

ա) 1–ին կետը շարադրել հետևյալ խմբագրությամբ.

«1. Անհատական նշանի հայտի համար բազային տուրք [հոդված 26«2», կանոն 4«ա»] 900»:

բ) Ավելացնել հետևյալ բովանդակությամբ 1բ կետը.

«1բ. Անհատական նշանի համար էլեկտրոնային եղանակով ներկայացված հայտի համար բազային տուրք [հոդված 26«2», կանոն 4«ա»]

750»:

գ) 2–4–րդ կետերը շարադրել հետևյալ խմբագրությամբ.

³ ՊՏ, L 303, 15.12.1995թ., էջ 33: Թիվ 1042/2005 կանոնակարգով (ԵՀ) վերջին անգամ փոփոխված կանոնակարգ (ՊՏ, L 172, 5.07.2005թ., էջ 22):

«2. Անհատական նշանի համար ապրանքների և ծառայությունների՝ երեքը գերազանցող յուրաքանչյուր դասի համար տուրք [հոդված 26«2», կանոն 4«ա»]

150

3. Կոլեկտիվ նշանի հայտի համար բազային տուրք [հոդված 26«2» և հոդված 64«3», կանոն 4«ա» և 42-րդ կանոն]

1300

4. Կոլեկտիվ նշանի համար ապրանքների և ծառայությունների՝ երեքը գերազանցող յուրաքանչյուր դասի համար տուրք [հոդված 26«2» և հոդված 64«3», կանոն 4«ա» և 42-րդ կանոն]

300»:

դ) 7–10–րդ կետերը շարադրել հետևյալ խմբագրությամբ.

«7. Անհատական նշանը գրանցելու համար բազային տուրք [45–րդ հոդված, կանոն 23«1»«ա»]

850

8. Անհատական նշանի համար ապրանքների և ծառայությունների՝ երեքը գերազանցող յուրաքանչյուր դասի համար տուրք [45–րդ հոդված, կանոն 23«1»«բ»]

150

9. Կոլեկտիվ նշանը գրանցելու համար բազային տուրք [45–րդ հոդված, կանոն 23«1»«ա» և 42–րդ կանոն]

1700

10. Կոլեկտիվ նշանի համար ապրանքների և ծառայությունների՝ երեքը գերազանցող յուրաքանչյուր դասի համար տուրք [45–րդ հոդված և հոդված 64«3», կանոն 23«1»«բ» և 42–րդ կանոն]

300»:

ե) 12–15–րդ կետերը շարադրել հետևյալ խմբագրությամբ.

«12. Անհատական նշանի գրանցման գործողության ժամկետը երկարաձգելու համար բազային տուրք [հոդված 47«1», կանոն 30«2»«ա»]

1500

12ա. Անհատական նշանի գրանցման գործողության ժամկետն էլեկտրոնային եղանակով երկարաձգելու համար բազային տուրք [հոդված 47«1», կանոն 30«2»«ա»]

1350

13. Անհատական նշանի գրանցման գործողության ժամկետը երկարաձգելու համար ապրանքների և ծառայությունների՝ երեքը գերազանցող յուրաքանչյուր դասի համար տուրք [հոդված 47«1», կանոն 30«2»«բ»]

400

14. Կոլեկտիվ նշանի գրանցման գործողության ժամկետը երկարաձգելու համար բազային տուրք [հոդված 47«1» և հոդված 64«3». կանոն 30«2»«ա» և 42-րդ կանոն]

3000

15. Կոլեկտիվ նշանի գրանցման գործողության ժամկետը երկարաձգելու համար ապրանքների և ծառայությունների՝ երեքը գերազանցող յուրաքանչյուր դասի համար տուրք [հոդված 47«1» և հոդված 64«3». կանոն 30«2»«բ» և 42-րդ կանոն]

800»:

2. Հոդված 5«1»-ից հանել «բ» և «գ» կետերը:

3. 8-րդ հոդվածում կատարել հետևյալ փոփոխությունները՝

ա) 1-ին պարբերությունից հանել «բ» և «գ» կետերը.

բ) 3-րդ պարբերությունից հանել «ա»«i» և «ա»«iii» կետերը:

4. Հոդված 11«3»-ի «ա» և «բ» կետերը շարադրել հետևյալ խմբագրությամբ.

«ա) անհատական նշանի համար՝ 1450 եվրո՝ գումարած, եթե կիրառելի է, 300 եվրո ապրանքների կամ ծառայությունների՝ երեքը գերազանցող յուրաքանչյուր դասի համար,

բ) Հանձնաժողովի թիվ 2868/95 կանոնակարգի (ԵՀ) կանոն 121«1»-ում նշված կոլեկտիվ նշանի համար՝ 2700 եվրո՝ գումարած, եթե կիրառելի է, 600 եվրո ապրանքների կամ ծառայությունների՝ երեքը գերազանցող յուրաքանչյուր դասի համար:»:

5. Հոդված 12«2»-ի «ա» և «բ» կետերը շարադրել հետևյալ խմբագրությամբ.

«ա) անհատական նշանի համար՝ 1200 եվրո՝ գումարած 400 եվրո միջազգային գրանցման մեջ պարունակվող ապրանքների և ծառայությունների՝ երեքը գերազանցող յուրաքանչյուր դասի համար.

բ) Հանձնաժողովի թիվ 2868/95 կանոնակարգի (ԵՀ) կանոն 121«1»-ում նշված կոլեկտիվ նշանի համար՝ 2700 եվրո՝ գումարած 800 եվրո միջազգային գրանցման մեջ պարունակվող ապրանքների և ծառայությունների՝ երեքը գերազանցող յուրաքանչյուր դասի համար:»:

6. Հոդված 13«1»-ի «ա» և «բ» կետերը շարադրել հետևյալ խմբագրությամբ.

«ա) անհատական նշանի համար՝ 850 եվրո՝ գումարած 150 եվրո միջազգային գրանցման մեջ պարունակվող ապրանքների և ծառայությունների՝ երեքը գերազանցող յուրաքանչյուր դասի համար.

բ) կոլեկտիվ նշանի համար՝ 1700 եվրո՝ գումարած 300 եվրո միջազգային գրանցման մեջ պարունակվող ապրանքների և ծառայությունների՝ երեքը գերազանցող յուրաքանչյուր դասի համար:»:

Հոդված 2

Եթե 2-րդ, 11-րդ և 12-րդ հոդվածներում նկարագրված տուրքերի գումարները փոխվում են, կիրառվում են հետևյալ անցումային կանոնները՝

1. Համայնքի ապրանքային նշանների հայտի համար տուրքի գումարը, այդ թվում, եթե կիրառելի է, դասերի համար սահմանված տուրքերը թիվ 40/94 կանոնակարգի (ԵՀ) հոդված 25«1»«ա»-ին կամ 25«1»«բ»-ին համապատասխան հայտը ներկայացնելու պահին գործող կանոնակարգով սահմանված տուրքերն են:
2. Համայնքի ապրանքային նշանները գրանցելու համար տուրքի գումարը, այդ թվում, եթե կիրառելի է, դասերի համար սահմանված տուրքերը թիվ 2868/95 կանոնակարգի (ԵՀ) կանոն 23«2»-ում նկարագրված ծանուցումն ուղարկելու պահին գործող կանոնակարգով սահմանված տուրքերն են:
3. Ցանկացած այլ հայտ ներկայացնելու կամ այլ գործողություն նախաձեռնելու համար վճարվելիք տուրքի գումարը՝ վճարման պահին գործող կանոնակարգով սահմանված գումարն է:
4. 11-րդ և 12-րդ հոդվածներով նախատեսված տուրքերի գումարը սահմանվում է նշանների միջազգային գրանցման մասին Մադրիդի համաձայնագրով և այդ համաձայնագրի վերաբերյալ արձանագրությամբ նախատեսված ընդհանուր կանոնակարգերին համապատասխան:

Հոդված 3

Սույն Կանոնակարգն ուժի մեջ է մտնում *Եվրոպական միության պաշտոնական տեղեկագրում* հրապարակվելուց հետո 7-րդ օրը:

Սույն Կանոնակարգն ամբողջությամբ պարտադիր է անդամ պետությունների համար և դրանցում գործում է անմիջականորեն:

Կատարված է Բրյուսելում, 2005 թվականի հոկտեմբերի 14-ին:

Հանձնաժողովի կողմից՝

Չարլի Մաքբրիվի

Հանձնաժողովի անդամ